

續修四庫全書



《續修四庫全書》編纂委員會編

續修四庫全書

上海古籍出版社

五四五・史部・傳記類

台學統一百卷（卷一至卷四十九）〔清〕王 棻撰……

266/108

合學統

一

〔清〕王 棻 撰

據北京大學圖書館藏民國七年
吳興劉氏嘉業堂刻本影印原書
版框高一七五毫米寬二五六毫米

台學統序

一百卷

甥翁長霖敬署



嘉	吳
業	豐
堂	鍾
刊	氏

台學統序

吾台人物自後漢洎五代雖間有表見然無派別統系之可言至宋二徐陳宗正羅提刑始傳安定之學南渡以後克齋石氏首交考亭一時如林杜趙潘郭池吳諸賢咸執贊朱門聞風興起儒術之隆稱小鄒魯宋景濂所謂晦翁傳道江南而台特盛也考亭既逝魯齋繼來上蔡講席從游甚眾流風所被歷元及明延絳不絕雖宋之然道詠道並及象山之門簣窗荆谿兼受永嘉之學建明正嘉服膺王學尤不乏人其閒氣節則名經術文章之彥亦有無所師承能自樹立者而要之台學之真傳以考亭為宗主宋之立齋明之遜志其尤著也

台學統序

昔遜志嘗欲蒐輯邑里遺事為先達傳竟未成書成化間謝文肅鐸始為尊鄉錄四十一卷又為節要四卷既而以正錄過於繁節要失之略別為詳節十卷嘉靖初王侍郎啟復為尊鄉續錄三錄其後金副使賁亨又別為台學源流七卷謝氏之四十一卷本十卷本王氏之續錄三錄今皆不傳唯存節要四卷既病其簡金氏書專錄性理之學亦為未備於是柔橋先生發凡起例廣采博搜別為台學統百卷足以補謝錄之缺佚而為台學之淵海矣雖其中尚有未合之義例間載無益之詩文微有可議而大信固無以易也先生著述凡七百餘卷除方志外刊播無幾殫踰廿載束櫜高閣今吳興劉

翰怡京卿慨解囊金刊此巨表其嘉惠於吾鄉學者甚至顧余竊有感者吾台之學遠有端緒代出名儒近百餘年繼起無人黯然寡色雖詞章訓詁間有所聞而名臣碩儒竟乏其選以視宋明睦乎在後實爲吾輩之大恥願與吾鄉之誦是編者其相砥礪絛茲絕學以復宋明之盛庶不負先生纂述之苦心與京卿刊播之雅意也太歲在著雍敦牂臯月黃巖王舟珩

台學流芳

吳興劉氏
編纂堂刊

台學統序

自漢宗祀孔子講六藝海內學者崇奉齊魯之師曰齊學魯學六朝因之則有南北三大派曰南學北學至宋則以濂洛關閩四者爲最著明則姚江幾與之相埒我朝崇儒重道六經並治彷彿三代稽古之盛而無所偏致即無有一家一師自執其學之幟者夫漢之齊魯六朝之南北皆承周末遺法合諸大師學說以成其地之名也濂洛關閩姚江又以周程張朱及王氏所居之地弟子奉其宗派而名之與古師法已稍稍殊異而至今學者以爲直接孔孟吾台州僻處東南海隅晉始啟化趙宋南渡都杭州爲畿輔朱子提舉浙東又奉祠來台學者從之當時稱盛明則方遜志崛起寧海爲讀書種子然其父子授受實亦淵源壽臺終明之世郡人皆宗考亭閒亦有治陽明學者然則台州之學閭學之支流姚江之曲水無能自名其學即本朝亦無能自名爲台學者也謝文肅著尊鄉錄四十一卷以述台之鄉先達書不可見尊鄉錄節要四卷稱十大儒五大臣六忠臣十五孝子明以前之先正略具矣尙未以台學自立名義者至金所氏著台學源流七卷乃始以台學著稱光緒間黃巖王予莊先生以孝廉隱居故里著台學統宗百卷接輯台州歷代聞人言行分氣節性理經濟詞章訓詁躬行六學意本金氏台學淵源而推擴其

台學統序

吳興劉氏
編纂堂刊

類例自撰後敘已言之其統字之義本於熊文端之學
統未明言者也竊謂張之以台學崇之以學統先生之
表章邦獻歆歆動後起者亦至矣聞嘗澄觀古昔明王學
治一源出於官守而與時消息乃能涵養乎中和薰陶
爲善俗至王政衰而教在儒者六經之業再傳而後卽
有流失何況諸子百家雖然芟亂繼以燔阮文武之道
盡矣齊魯南北之傳皆本口說輔以章句簪於竹帛縣
縣以迄宋明本朝世運迭更人事滋曠荒山岑寂守
此氣節六者而不窮究乎六藝之源帝王以學取世範
圍生人性命之本始仍無以執乎其中應乎萬變消弭
乎氣數之乖厲倘僅持一端更不免爲徑徑之小儒先

台學統序

三吳吳劉氏
嘉業堂刊

生習此書成時主講郡中正學書院予以測繪台州輿
圖居郡城常與相見從而問業少年氣銳往往辯難鋒
起卽前說亦當其所面陳者而先生不以爲非且以志
半推許見於靈越廣春集之敘中嗣是出游稍遠觀人
閱世讀書之稍多知此書爲合於師儒之教得其全足
以經緯人紀得其偏亦足以篤信謹守不虛矯以沽名
雖未能遠紹周末六藝之大師亦庶幾齊魯之遺他日
豪俊挺生廣大高明以此爲摹路山林之前導則所以
飭遺來者甚厚曩與其甥喻志韶太史同官詞館每謀
刊布而未果辛亥國變流離轉徙更無力爲此吳興劉
翰怡京卿避地上海以經籍自娛又好梓刻先賢遺著

台人之書如宋舒闡風集明王靜學集近人李靜軒雲
南水道考黃子珍台州金石錄皆刻入其嘉業堂叢書
中拙撰文存亦荷彫板頃復刻此巨帙倘吾鄉人聞京
卿之風起而刻當世切用之書讀之以通明古治否則
由此書而友天下士尙論古人直追乎禹稷周孔之志
業方足以稱學之量予遭亂多病旅居無能爲役猶日
夜回望鄉樹冀吾黨之大有其人也戊午夏五月寧海
章棣敘於上海腐廬

台學統序

三吳吳劉氏
嘉業堂刊

台學統序

五嶽名山秀靈之氣磅礴鬱積常能篤生偉人泰山則有孔孟嵩嶽則有申甫恆代爲堯舜列聖所都太華終南豐鎬京發祥之地歷秦漢隋唐二千年之聲名文物存焉衡湘沅澧古人文淵藪近世曾胡羅左諸賢輩出勛名尤震宇內蓋嶽瀆之靈不能蘊而無所洩往往聖賢豪傑挺生其間以應百年名世之運理固然也台山之高四萬八千丈足與華岱崑衡並峙惟僻在海澨孫興公謂靈仙之所窟宅其實浮屠之僞雄自隋唐以來起而據之其徒徧天下號天台宗豈山川秀靈之氣有蘊而屬之彼族耶姚姬傳有言釋氏衰歇則儒術興鳴

台學統序

吳興劉氏
嘉業堂刊

尊其信然哉昔明謝文肅謂吾台歷唐虞三代至漢而始入中國歷漢三國六朝至宋而人才始出蓋自朱子提舉浙東奉祠台州一時羣賢蔚起稱小鄒魯其實命世之英自杜丞相清獻公外未數數睹也明初台賢一時稱盛值方正學之難台士殲焉越數百年未能甚振乾嘉以來世尙漢學吾台之士多致力於經學攷據或正詞章稍稍知名於世然類多自好之士一節之長實未有卓然特起應台山磅礴鬱積之氣比隆於華岱崑衡諸嶽振發之而使之大昌也我母舅王子莊先生以名孝廉發憤力學著書等身尤留心於鄉邦文獻晚年成台學統百卷哀錄鄉先哲自晉洎於近代凡三百三

台學統序

吳興劉氏
嘉業堂刊

十餘人意欲以揚前徽詔後進庶幾學者聞風興起敬恭桑梓發揮而光大之以爲台山生色一編之中三致意焉其書分爲六派曰氣節性理經濟詞章訓詁躬行昔孔門四科因德行言語政事文學曾文正亦言學途有四義理經濟詞章攷據茲編大旨與孔門四科曾文正四途相合惟氣節躬行二門或疑可賅性理先生則謂二者兼貫四科并包六藝苟文章冠世經術名家而氣節躬行胥無足取此時學之極弊丁寧反覆持之益堅未幾先生卽世而世變迭起國俗橫流禮義廉恥掃地日盡海內遂以大亂向使士大夫敦氣節重躬行人人以貶節爲羞以失行爲恥何至世變收壞底於此極然後知先生此書非徒表章先哲實深有見於世風學術之關係而燭照於幾先殆將大聲疾呼以豫爲人心世道之防也惜道光之季新化鄧湘皋鶴樓搜討湖南文獻輯資江耆舊集沅湘耆舊集等書曾文正稱爲長逝者之所託命余先生此書舉吾台名儒碩彥兼收並著大小不遺豈非昔賢長逝者之所託命耶雖然鄧湘皋纂輯鄉邦文獻在道光之世乃至咸同間而湖南人才勃興蔚成甲與魏巍之業於衡嶽有光焉先生纂輯鄉邦文獻在光緒之世今乃大亂四起而吾鄉人才寥落不但撥亂反正之無其人並尙有闡明學術力振先賢之緒豈台山之靈所磅礴鬱積者將終枯而不洩耶

抑生斯土者振興而承其運之乏其人耶此先生地下之憾而吾黨後死者之羞也先生所著書七百三十餘卷凡經類五部史類十五部子類四部集類五部都凡二十有九部已略見長霖柔橋文鈔序中不贅述戊午夏四月甥喻長霖謹識於滬上寓廬

台學統序

三
吳興劉氏
嘉樂堂刊

台學統序

吾浙同光間台州有二王之稱一王柔橋舍人菜一王太潭太守詠覽也柔橋以孝廉隱居不仕歷主台州正學東湖清獻九峰温州中山處州麗正及贛垣經訓諸講席著書七百餘卷六潭由比部隨使歐西歷官皖鄂諸省所至有聲著書亦數十卷當時海內指目台州二王而柔橋尤為樸學著稿除方志外多未刊行歲甲寅其甥喻志詔太史為選印文集十六卷近以其全稿示余凡志書外卷帙最多者六書古訓六十四卷台學統一百卷余初欲刊其六書古訓因稿缺不完乃為刊台學統國變以後台州遺老多在滬上余時時就訪台州文獻搜求先賢遺集其有孤本未刊行者如宋舒閬風集明王靜學集近以李靜軒雲南水道放黃子珍台州金石錄徐皆為次第梓然篇幅俱不及此書之多蒐輯亦為最富台州名儒碩彥仁人志士殆略備於此矣昔南宋時朱子提舉浙東一時台賢蔚起有小鄒魯之稱洎乎明初人才最盛遭方正學之難台士殲焉於是台學凌替垂三百年先生憂之極力提創後學其詠懷詩云左交許鄭右程朱要使海濱變鄒魯益無日不以振興台學為志晚年乃成此書欲以鄉先哲之學派禮之後進而啟方來其用心固甚盛也曾文正有言風俗之厚薄視乎一二人之心之所嚮昔五代之世廉恥道

台學統序

二
吳興劉氏
嘉樂堂刊

喪風俗墮壞至宋百年名賢輩出程朱大儒講明理學而天下始知綱常名教之重禮義廉恥之嚴歷六七百載而風流未沫則程朱一二人之所提創也道咸之世士風不振曾文正羅忠節諸儒講明理學未幾海內人才迭起遂以削平巨憝續國脉而靖人心則曾羅一二人之所提創也是故月暈而風礎潤而雨龍興而雲應虎嘯而風生有豪傑創之於前則必有名賢應之於後振興常在隱微之間而收效常在百年以外雖其才有大小其量有厚薄而提創之效類無不如響斯應也先生伏處里閭無程朱之高名無曾羅之大力不能大有設施以振起世之英少獨閉戶伏几案著書立說以詔

百學統序

二吳興劉氏
嘉業堂刊

其鄉之後進今世變迭起國步已更而先生弟子如章山左丞王政伯觀察喻志韶太史俱能艱貞避世確乎不拔謹守先生氣節躬行之教於以歎今世之尚有人而先生提創學說之效流傳於兩閭者將終古而不可泯沒也戊午天貺節吳興劉承幹序于滬濱之嘉業堂

王子莊先生傳

同邑王丹瑤

先生諱茶字子莊別字穎軒黃巖人先世自縣南之逍輿遷東鄉柔橋稱柔橋王氏父維祺字道齡別字梅庵縣諸生有學行嘗著家訓六篇大旨主於樹氣節慎交遊存寬厚而尤以立志有恥為首務先生少受義方又從同里林明經有王姜明經文衡李孝廉飛英學治說文經史為詩古文辭弱冠後即斐然有聲述志著倪希子五篇冰雪文二卷曲禮異義四卷九峰山志五卷柔橋王氏諸士卷同治初泰興吳侍郎存義督學兩浙重其學行取為優貢生六年太和張大理溪卿南皮張編修之洞典浙試舉於鄉先生恬於仕進再上春官遂不

百學統序

一吳興劉氏
嘉業堂刊

復赴一意著述以發明學術表章儒先啟迪後進為職志時劉郡守璫孫縣令憲皆有意振厲文教心敬先生多所諮詢孫卿建九峰精舍以通經學古課多士購藏經籍數萬卷以資博覽又修縣志刻宋杜清獻集車氏腳氣集明方氏遜志齋集國朝金氏求古錄禮說其所規畫俱出於先生先生論學不立門戶以為古今學術大別有四曰性理曰經濟曰訓詁曰詞章而其歸有三性理者志於立德者也經濟者志於立功者也訓詁詞章者志於立言者也四者皆有用但當辨其真偽不當互相是非其說經以經證經不偏主於漢宋與婺源江慎修同郡金誠齋相伯仲為文章不事雕琢而持論

名通援證詳稿則又近於仁和杭董浦鄞縣全謝山於鄉邦文獻最所究心遇遺文軼事手自甄錄晚年成台學統百卷哀錄吾台先哲自晉唐迄於近代凡三百三十七人分爲六派而歸重於氣節躬行掌教九峰精舍前後十餘年又歷主清獻文達及郡城之正學太平之宗文栢之蓮城甌之中山東山肆經江西之經訓諸書院講席弟子徧於郡郡及江右多所成就先生平生深於經於小學治之尤力然與後進言卽斤斤以宗法程朱爲事嘗曰漢學者小學宋學者大學文藝爲末器識爲先其咏懷詩有云左交許鄭右程朱要使海濱變鄒魯可以窺其志矣性醅竺事母至孝言行不苟尤嚴於

台學統傳

二吳興劉氏
三吳興劉氏

取與著書勸學至老彌竺數十年如一日光緒丁酉學使徐侍郎致祥以先生學行聞於朝賞加內閣中書銜越二年卒年七十有二所著有經說偶存六卷六書古訓六十四卷史記補正三卷漢書補正三卷重訂歷代帝王年表十五卷明年表一卷大統平議一卷大禮平議四卷明大禮駁議二卷中外和戰議十六卷謝氏赤城新志校注二十三卷黃巖縣志四十卷校議三卷青田縣志十八卷永嘉縣志三十六卷仙居縣志三十三卷太平續志十八卷杭州府志一百三十三卷杜清獻公年譜一卷台獻疑年錄一卷辨章十卷柔橋文集四十六卷詩集八卷杜清獻集校注一卷其所編輯有黃巖

集三十二卷續錄二卷仙居集二十四卷方城遺獻續編六卷

王舟瑤曰先生主講九峰精舍時余嘗以經說相質證深爲先生所稱許至晚歲過從益密時時相與論學其說經也證諸經不合求諸心不安雖伏鄭大儒不肯曲從而尤以近世漢學家之排斥程朱爲非可謂卓然獨立不隨世儒爲是非矣顧其論六書也據漢志六者皆造字之本以爲轉注之說至曾文正而始定段借之說諸家皆未明乃研精覃思悟令長爲今長之誤今從反及長從倒亡所謂本無其字也丁者及前人也反丁則今人矣亡者不長也倒亡則不亡矣所謂託事也今從

台學統傳

三吳興劉氏
三吳興劉氏

刁聲長從亡聲所謂依聲也自謂發千七百年来發之隙然余未敢苟同其論修志也謂方志與國史異不當擬史嘗著論糾章氏文史通義之失而余纂修台州志則仍間用實齋之例其所著台學統余以爲當名爲案或名爲編爲錄不當名統且所區六派亦未盡當不若謝氏尊鄉錄金氏台學源流所分爲較合而先生不以爲然至於論治先生力持祖制不可變更之說謂漢唐宋明俱以變更祖制而致亂亡余則以爲道者所以治天下之本歷萬古而不變法者所以治天下之具當隨時而變更故當相聚論一事一義往往窮日夕累千百言而未有已先生記聞既博口若懸河稱引古今上下

數千年如數家珍而又閒雜以談諸聽者皆為解頤私心願以為先生局量稍褊自信稍過而又泥古黜通未達現世情狀中外事變然其制行之嚴居心之厚為學之勤則固心所折服以為未易求之今人中也今先生沒已十年學術日變人心日浮鄉之少年後進殊乏究心於本原之學者台學淵源益渺紹述是以於先生輒低回慨慕日往來於懷而不能去夫

默齋集
戊申葉

台學統傳

四吳興劉氏
嘉業堂刊

台學統敘錄

自孔門以四科取士後世儒術遂分為四夫惟聖人兼材無所不通其餘則皆學焉而得其性之所近蓋德行之粹根於性理政事之懋蔚為經濟言語之美炳於詞章文學之精垂為訓詁而其業皆具於六經是故性理者六經之道也經濟者六經之用也詞章者六經之文也訓詁者六經之學也韓子曰士不通經果不足用豈不信哉然其大本則曰氣節其大要則在躬行此二者該貫乎四科弁包乎六藝而非此則不足以為學也後世不樹其本不務其要往往文章冠世經訓名家而氣節躬行胥無足取是以性理經濟之儒猶或貌為君子

台學統敘錄

二吳興劉氏
嘉業堂刊

而訓詁詞章之出或竟安於小人此時學之極弊也吾台處萬山之中岸東海而為郡三代之時人文未啟東漢洎吳閭有表見至晉而任次龍先生出遂為當代偉人然自東晉以及五季六百餘年英華消歇豈天運有厚薄而地氣有盛衰與抑由吾邦之士無志於學以至斯與宋興百年始得一二有志之士篤學厲行以為之倡南渡後台為輔郡一時來游來歌者既多命世之英而無待而興者亦有豪傑之士由是山陬海澨稱小鄒魯矣由元迄明遺芬未沫史籍炳然國朝更化一道同風而吾台之士獨若有媿於古乾嘉以來稍稍振起中興之後科名亦漸隆矣意者其將追宋明之盛軌

與當世奇傑之士並駕而爭驅與然吾竊觀近世之儒其淵源所漸曾未幾乎游夏乃欲菲薄淵淵輕詆子賜譏訕由求其可乎否邪予少也馳驚時學汎濫無歸今老矣將有志於其本乃取吾台之士自晉以來與於斯學之統者區爲六派萃爲一編朝夕省覽用以自鏡若謂其分裂道術判斷古人則僭妄之罪誠無所逃焉耳光緒七年七月二十有七日黃巖王棻書於柔橋隱居知非求是之樓

氣節之學弟一

儒者之學以氣節爲本而氣節之大者在於出處去就辭受取與之間蓋巖之爲義利之辨精之在生死之交

台學統敘錄

二 吳興劉氏 嘉業堂刊

孔子所謂危邦不入亂邦不居見利思義見危授命皆是物也然而其道唯在守已而不可加人善乎曾文正公之言曰自好之士多尙氣節講之不精則流於傲而不自覺風節守於己者也傲則加於人者也若蓋寬饒之於許伯孔融之於曹操此傲在言辭者也嵇康之於鍾會謝靈運之於孟顗此傲在神理者也殷仲文之於何無忌王僧達之於路瓊之此傲在儀節者也息夫躬歷詆諸公暨豔彈射百寮此傲在奏議者也此數人者皆不得令終吾謂令終與否固非氣節之士之所懼然如息失殷謝之流其立身本非君子而乃習其流弊之傲以欺世而盜名則其禍由於自取而豈可以氣節歸

之哉若夫隱居獨善避世待清不降其志不辱其身此伯夷所以爲聖之清也非其義也非其道也祿之以天下弗顧也繫馬千駟弗視也此伊尹所以爲聖之任也進不隱賢必以其道遺佚而不怨阨窮而不閔此柳下惠所以爲聖之和也此三聖者雖各倚於一偏而皆以氣節爲本則真氣節矣世之學者誠能務爲其真而毋竊其似焉庶爲學之大本由是而立也與

台學統卷二

氣節之學一 高節上 八人

晉 任旭 晉書 唐 張漬 赤城志 全唐詩

宋 呂逢時 赤城志 林放 赤城志 金石錄

徐中行 宋史 嘉興錄 宋 元學案 趙占龜 赤城志

徐庭筠 同上 王象祖 赤城新志 宋 元學案

台學統卷三

氣節之學二 高節中 五人 附一人

元 呂起猷 赤城新志 翁森 赤城新志

潘音 兩浙名賢錄 明 張羽 赤城新志

高執 余德

台學統卷三

氣節之學三 高節下 三人 附三人

國朝 朱之任 弟之儀 徐光綬 張亨梧

玉瑞彬 馬謙

右高節三卷計六人附四人見正史者三人又見宋元學案者

台學統卷四

氣節之學四 清節一 一人

宋吳芾 宋史

台學統卷五

氣節之學五 清節二 二人 附一人

陳良翰 宋元學案 宋史 赤城志

鹿何 赤城志

台學統卷六

台學統卷六

氣節之學六 清節三 五人 附三人

明王敏 赤城新志

李茂宏 子漢 赤城新志

林璧 赤城後集

台學統卷七

氣節之學七 清節四 三人

夏燠 明史

王純 明史附傳 一統志

台學統卷八

氣節之學八 清節五 三人

龐泮 明史

夏鍤 明史附傳 兩浙名賢錄

秦文 兩浙名賢錄

台學統卷九

氣節之學九 清節六 四人 附一人

符驗 明一統志

盧明 明史附傳

右清節六卷十八人附五人見正史者十人內

案一見明

台學統卷十

氣節之學十 忠節上 六人 附三人

朱蔣煜 江仲明 宋史附傳

王珪 赤城新志 陳仁王 一統志

台學統卷十

元林夢正 赤城新志

陳鏗翁 赤城新志

台學統卷十一

氣節之學十一 忠節中 二人 附一人

明葉伯巨 明史

台學統卷十二

氣節之學十二 忠節下 七人 附四人

盧原質 明史附傳 林嘉猷 儒林錄

盧迥 明史附傳 鄭華 名賢錄

齊汪 明史附傳

應昌士 一統志

余寬 明史附見

楊時熙 明史附見

陳函輝 明史附傳

右忠節三卷十五人附八人見正史者十七人見宋元學案者三人

人內一

若氣節共十二卷四十九人附十七人

性理之學第四

性理之學肇於羲軒顯於堯舜備於文周明於孔孟而其名則立於程朱其道最高而眾學所莫能外焉者也然其素則在氣節其要則在躬行用則施諸世而經濟見焉舍則傳諸其徒而訓詁詞章燦然備焉然則性理者固集眾學之大成者矣後世如蘇子瞻之氣節文章而不知程子唐與政之經制訓詁而見効於朱子學者

台學統敘錄

六吳興劉氏嘉業堂刊

潘汾左宿祖焉然臧文仲魯之賢大夫也而孔子深識之孟子命世亞聖之才也而尹士公議之吾觀子瞻之識殆君主之流而與政之賢亦臧孫之亞匹也必謂文仲君主皆無足取固為不可若謂孔子之貶臧孫為過刻君主之議孟子為知言則失其是非之心矣余纂台學如蘇唐之徒皆所服膺而不敢忽者也然欲別黑白而定尊卑則固當以程朱為高曾之規矩而蘇唐特疏屬之尊長耳至若張無垢陸象山之學朱子皆嘗深議其非而姚江王氏則宗張陸之學者也然吾台之士願有折而從之者姑並存之俟後聖辯焉此非堂下之人所能決堂上之曲直者也

台學統卷十三

性理之學一 朱子學派十三人

朱召密 赤城志 赤城新志 台學源流 兩浙名賢錄

應恕 赤城志 台學源流 徐大受 同上

台學統卷十四

性理之學二 朱子學派二五人 附一人

林肅 台學源流 林肅 同上

趙師淵 赤城新志 伊洛淵源續錄 台學源流 宋元學案

趙師夏 師端 台學源流 明一統志

池從周 台學源流

台學統卷十五

台學統敘錄

七吳興劉氏嘉業堂刊

台學統卷十六

性理之學三 朱子學派三六人 附三人

潘時舉 台學源流 林恪 台學源流 宋元學案

趙師期 同上 吳梅卿 子諒 同上

陳柏 鄭雄飛 郭磊卿 父晞宗 台學源流 宋元學案

台學統卷十七

性理之學四 朱子學派四 杜氏學二一人

杜堯 台學源流 宋元學案 杜堯 伊洛淵源續錄 同上

台學統卷十八

性理之學五 杜氏學二上一人 附二人

杜範 台學源流 宋元學案 杜範 子瞻 宋元學案

台學統卷十八

性理之學六 杜氏學二中

杜範中

台學統卷十九

性理之學七 杜氏學二下

杜範下

台學統卷二十

性理之學八 車氏學上 四人

車瑾 宋元學案

車景山 同上

車似慶 同上

車安行 同上

台學統卷二十一

台學統敘錄

性理之學九 車氏學中 一人

車若水 台學源流
宋元學案

台學統卷二十二

性理之學十 車氏學下 一人

車垓 台學源流
宋元學案

台學統卷二十三

性理之學十一 杜氏學派 四人

邱漸 宋元學案

戴亨 同上

戴良齊 台學源流
宋元學案

方儀 宋元學案

台學統卷二十四

性理之學十二 車氏學派 五人 附二人

蔡夢說 高耕
宋元學案

胡常 台學源流
宋元學案

王賁 同上

潘希宗 宋元學案

楊明復 台學源流

台學統卷二十五

性理之學十三 魯齋王氏學派 五人 附二人

黃超然 台學源流
宋元學案

陳天瑞 同上

楊珏 同上

楊琦 台學源流

周敬孫 宋致中
薛松年 元史附傳
宋元學案

台學統卷二十六

性理之學十四 元儒 車王學派 朱子餘派一
附六人

台學統敘錄

元周仁榮 弟什肩
宋元學案 元史

孟夢恂 宋元學案 九史附傳

盛象翁 宋元學案 周潤祖 同上

陳紹大 同上 牟楷 同上

張明卿 父莘夫
宋元學案 林弦齋 邵素心

台學統卷二十七

性理之學十五 明儒一 附二人 朱子餘派二 並

同不 悉著

明郭檣 台學源流
從子元亮 儒林錄

徐宗實 明史附傳
宋元學案 徐森 赤城後集

台學統卷二十八